

關中勝蹟圖志

關中勝蹟圖志卷五

兵部侍郎兼都察院右副都御史陝西巡撫畢沅纂

古蹟

宮闕

唐京城唐書地理志上都初曰京城天寶元年曰西京至德三載曰中京上元二年復曰西京肅宗元年曰上都京城前直子午谷後枕龍首山左臨灞岸右抵灃水其長六千六百六十五步廣五千五百七十五步周二萬四千一百二十步崇丈有八尺德宗本紀貞元四年築夾城長安志唐京城東西一十八里一百一十五步南北一十五里一百七十五步周六十七里郭中南北十四街東西十一

街其間列置諸坊有京兆府萬年長安二縣當皇城南朱

雀門有南北大街曰朱雀門街東南廣百步萬年長安二

縣以此街爲界萬年領街東五十四坊及東市長安領街

西五十四坊及西市

謹案長安志萬年縣所領朱雀門街之東第一街從北第一曰興道坊次

南開化坊次安仁坊光福坊靖善坊蘭陵坊開明坊保寧坊安義坊第二街從北第一曰務本坊次南崇義坊次長

興坊永樂坊靖安坊安善坊大業坊昌樂坊安德坊第三街從北第一東曰翊善坊西曰光宅坊次南東曰永昌坊

西曰來庭坊次南永興坊次廣化坊次崇仁坊平康坊宣陽坊親仁坊永寧坊永崇坊昭國坊進昌坊安興坊通善

坊通濟坊第四街從北第一曰長樂坊次南大寧坊次勝業坊東市安邑坊宣平坊昇平坊修行坊修政坊青龍坊

曲池坊第五街從北第一坊入禁苑次南興寧坊次永嘉坊興慶坊道政坊常樂坊靖恭坊新昌坊昇道坊修德坊

長安縣所領之朱雀門街之西第一街從北第一曰立政坊次南敦化坊次豐樂坊安業坊崇業坊永達坊道德坊

光行坊延祚坊第二街從北第一曰太平坊次南道義坊
次興化坊崇德坊懷真坊宣義坊安豐坊昌明坊安樂坊
第三街從北第一曰修德坊次南輔興坊次領政坊布政
坊延壽坊光德坊延康坊崇賢坊延福坊永安坊敦義坊
大通坊大安坊第四街從北第一曰安定坊次南休祥坊
次金城坊醴泉坊西市懷遠坊長壽坊嘉會坊永安坊通
軌坊昭行坊第五街從北第一曰修真坊次南普寧坊次
義寧坊居德坊羣賢坊懷德坊崇化坊豐邑坊待賢坊永
和坊常安坊和平坊永陽坊又有昌化
延平脩仁正平四坊基址不可考者 天祿識餘咸陽有

六岡如乾之六爻唐時宮殿皆在九二岡上而作太清宮

於九五岡上百官府在九四岡上 明德門六典南面三

門中曰明德長安志北當皇城朱雀門南出抵終南山入

十里 啓夏門六典南面三門東曰啓夏長安志門外西

南二里有園丘先農藉田三壇謹案長安圖東南角有進芳門 安化門

六典南面三門西曰安化 通化門長安志東面三門北

曰通化門至德三載改爲達禮門復舊謹案唐書李義琰傳義琰致仕公卿

祖錢通化門外時人 春明門六典東面三門中曰春明

比漢疏廣者卽此 實錄開元十七年五月侍臣以下燕於春明門 延興門

六典東面三門南曰延興門 開遠門長安志西面三門

北曰開遠門 金光門六典西面二門中曰金光謹案唐書韓朝

宗傳天寶初爲京兆尹分 延平門六典北面一門曰光

渭水入金光門者卽此 化門唐駱賓王帝京篇山河千里國城闕九重門不睹皇

居壯安知天子尊皇居帝里峻函谷鷄野龍山侯甸 服五緯連影集星纏八水分流橫地軸秦塞重關一百二

漢家離宮三十六桂殿陰岑對玉樓椒房窈窕連金屋三 條九陌鳳城隈萬戶千門平日開複道斜通鳩鵲觀交衢

直指鳳皇臺劍履南宮入簪纓北闕來聲名冠寰宇文物

象昭回鉤陳肅蘭門壁沼浮槐市銅羽應風迴金莖承露
起校文天祿閣習戰昆明水朱邸接平臺黃扉通戚里平
臺戚里帶崇墉炊金饌玉待鳴鐘小堂綺帳三千戶大道
青樓十二重寶蓋雕鞍金絡馬蘭窗繡柱玉盤龍繡柱璇
題粉壁映鏘金鳴玉王侯盛王侯貴人多近臣朝遊北里
暮南隣陸賈分金將讌喜陳遵投轄正留賓趙李經過密
蕭朱交結親丹鳳朱城白日暮青牛紺幘紅塵度俠客珠
彈垂楊道倡婦銀鉤採桑路倡家桃李自芳菲京華遊俠
事輕肥延年女弟雙飛入羅敷使君千騎歸同心結縷帶
連理織衣成春朝桂樽樽百味秋夜蘭燈燈九微翠幌珠
簾不獨映清歌寶瑟自相依且論三萬六千是寧知四十
九年非古來名利若浮雲人生倚伏信難分始見田寶相
移奪俄聞衛霍有功勳未厭金陵氣先開石槨文朱門無
復張公子灞亭誰畏李將軍相顧百齡皆有待居然萬化
咸應改桂枝芳氣已銷亡柏梁高宴今何在春去春來苦
自馳爭名爭利徒爾爲久留郎署終難遇空埽相門誰見
知莫矜一日擅豪華自言千載長驕奢倏忽搏風生羽翼
須臾失浪委泥沙黃雀徒巢桂青門遂種瓜黃金銷鑠素
絲變一貴一賤交情見紅顏宿昔白頭新脫粟布衣輕故
人故人有湮淪新知無意氣灰死韓安國羅傷翟廷尉已

矣哉歸去來馬卿辭蜀多文藻揚雄仕漢乏良媒三冬自矜誠足用十年不調幾遭回汲黯薪逾積孫弘閣未開誰惜長沙傳獨負洛陽才已上京城

皇城六典在京城之中其中左宗廟右社稷

謹案宗廟在安上門東社

稷在含光門東

百寮解宇列其間凡省六寺九臺一監四衛十有

八東宮官屬凡府一坊寺三率府十唐書地理志皇城長一千九百一十五步廣一千二百步朱雀門長安志皇

城南面三門中曰朱雀門北當宮城之承天門南當外郭之明德門玉海隋志士庶不得雜居朱雀門之內故宗廟官寺兵衛悉在焉安上門長安志朱雀門東曰安上門至德三載改爲光天門尋復舊含光門長安志朱雀門

西曰含光門 景風門長安志東面二門南曰景風門

延喜門長安志東面二門北曰延喜門直東當外郭之通

化門

謹案宣宗二年八月河隴老幼千餘人詣闕下上御延喜門樓見之觀者皆呼萬歲卽此

順義

門長安志西面二門南曰順義門 安福門長安志西面

二門北曰安福門西當外郭之開遠門

已上皇城

西內太極宮唐書地理志宮城在皇城之北長千四百四十步廣九百六十步周四千八百六十步其崇三丈有半長安志宮城東西四里南北二里二百七十步周十三里一百八十步南卽皇城北抵苑東卽東宮西有掖庭宮玉海龍朔後皇帝常居大明宮乃謂之西內神龍元年改曰

太極宮雍錄太極宮者隋大興宮也諸帝多居大明宮或
遇大禮大事復在太極如高宗玄宗每五日一御太極有
初卽位不於大明而於太極者知太極尊於大明也雍勝
略案西內有三城外一重曰京城外郭城也中一重曰皇
城惟列府市不使雜人居止又內一重是曰宮城則今之
省城正直宮城之地所謂六爻九二之地也 承天門長
安志當正殿曰承天門隋開皇三年作初名曰廣陽門仁
壽元年改曰昭陽門唐武德元年改曰順天門神龍元年
改爲承天門外有朝堂東有睥石西有登聞鼓 長樂門
重福門永春門六典注承天門之東曰長樂門北入恭禮

門又北乾化門則宮內也長安志次東曰重福門卽東宮之正門門東西有左右永福門次東曰永春門廣運門永安門長安志廣運門內有左藏庫次北有舊右藏庫後有中書省西北有武庫北入安仁門又北肅章門門內入宮中鳳皇門長安志西內東面一門曰鳳皇門隋曰建春門後改通訓門明皇曰鳳皇門通明門嘉猷門長安志西面二門南曰通明門北曰嘉猷門定武門安禮門元德門長安志北面三門正北曰定武門次東曰安禮門東宮北曰元德門嘉德門長安志太極門外承天門之內曰嘉德門歸仁門納義門長安志嘉德東廊有歸仁

門西廊納義門

謹案唐制元正冬至受朝賀太師率其屬受諸州及蕃貢並出此二門

太

極門長安志當承天門內北曰太極門隋曰大興門後改

曰乾福門貞觀八年改爲太極門東隅有鼓樓西隅有鐘

樓貞觀四年置

謹案唐制鑾輿至太極門夏啟樂止入太極門鼓祝奏太和之樂

太極

殿唐書高祖本紀武德元年五月甲子卽皇帝位於太極

殿六典太極門內曰太極殿朔望則坐而視朝焉注蓋古

之中朝也隋曰大興殿武德元年改有東西上二閣門通

志東上閣在太極之東西上閣在太極之西左延明門

右延明門長安志太極殿東廊有左延明門西廊有右延

明門門下省在左延明門東南中書省在右延明門東

南玉海時謂尚書省爲南省門下中書省爲北省亦謂門下省爲左省中書省爲右省或通謂之兩省 弘文館兩京記在門下省東唐書百官志武德四年置修文館於門下省九年改曰弘文館神龍元年改曰昭文館 史館長安志在門下省北貞觀三年置祕書內省以修五代史又置史館以編國史尋廢祕書內省 朱明門六典太極殿北曰朱明門左曰乾化門右曰肅章門長安志肅章門西曰暉正門乾化門東曰武德門 武德殿延恩殿六典武德門內有武德殿延恩殿 兩儀門六典朱明門北曰兩儀門 兩儀殿六典兩儀門內曰兩儀殿常日聽朝而視

事焉注蓋古之內朝也長安志兩儀殿在太極殿後隋曰
中華殿唐貞觀五年改萬春殿六典兩儀殿之東有千
秋殿兩儀殿之西有新殿長安志兩儀殿東有新殿獻
春殿六典在兩儀之左又宜秋門在兩儀之右宜秋之右
曰百福門百福殿長安志百福門內曰百福殿宣宗改
雍和殿內有親親樓諸王宴會之所也會要大中元年敕
修百福殿八十間承慶門六典百福之西曰承慶門
承慶殿六典承慶門內曰承慶殿立政門六典獻春之
左曰立政門立政殿六典立政門內大吉門六典立
政之東大吉殿六典大吉門內甘露門六典兩儀殿

之北曰甘露門長安志門外有東西永巷東出橫門又東
有日華門西出橫門又西有月華門院北有東西千步廊
西有掖庭 甘露殿長安志甘露門內會要太和二年脩
兩儀殿及甘露殿一百七十二間唐李嶠甘露殿侍宴應
制詩月宇臨丹地雲窗
網碧紗御筵陳桂醕天酒酌榴花水向浮橋
直城連禁苑斜承恩恣歡賞歸路滿煙霞 神龍門長

安志甘露門左 神龍殿長安志神龍門內武德殿後

安仁門長安志甘露殿右 安仁殿長安志安仁門內甘

露殿西 佛光寺長安志在神龍殿西 歸真觀長安志

安仁殿後觀後有綵絲院西有咸池殿 淑景殿長安志

歸真觀西殿西有第三落次西第四落又次西第五落

延嘉殿長安志在甘露殿北殿南有金水河往北流入苑

承香殿長安志延嘉北有承香殿通志西有昭慶殿殿

西爲凝香閣閣西爲鶴羽殿景福臺通志延嘉殿西北

長安志臺西有望雲亭紫雲閣通志神龍殿東長安志

閣西有南北千步廊舍南至尙食院西北盡宮城閣南有

山水池尙食院內

凝陰殿通志紫雲閣西

謹案異聞錄載天寶七載

玄宗令葉靖天師祈雨卽此殿

凌煙閣長安志凝陰殿南南部新書凌

煙閣畫功臣皆北向長安志凌煙閣西有功臣閣東有司

寶庫

毬場亭子長安志凝陰之北有毬場亭子

弘文

殿觀雲殿通志俱在凝陰殿北四海池雍大記一在毬

場亭之東一在咸池殿之東一在望雲亭之西一在望雲亭之北 掖庭長安志永安門西有掖庭 內侍省長安志掖庭南隅有內侍省 興仁門宣猷門崇道門惠訓門昭德門正禮門宣光門通福門光昭門華光門暉儀門壽安門綏福殿翔鳳殿薰風殿就日殿臨照殿望仙殿鶴仙殿乘龍殿翔鳳閣並見六典

已上西內太極宮

東宮長安志在太極宮中自承天門而東其第三門曰重明門卽東宮正門也門外有東宮朝堂在焉 宣明門長安志嘉德正南 嘉德門長安志明德殿南門東有東奉化門西有西奉化門門外東廊爲左永福門西廊爲右永

福門 明德殿長安志東宮正殿會要武德九年八月太宗卽位於東宮明德殿玉海卽顯德殿中宗諱顯爲太子時改曰明德長安志殿東廊爲左嘉善門西廊爲右嘉善門 宜春宮宜秋宮長安志俱在奉化門北 宜春門通志宜春門外道東有典膳廚道西有命婦院宜春北苑左春坊通典龍朔二年改門下坊爲左春坊玉海東宮宜春宮門外有左春坊坊南有崇文館 右春坊通志龍朔二年改典書坊爲右春坊玉海東宮宜秋宮門外有右春坊 崇教殿在右春坊內又麗正殿集賢注記在崇教殿之北光大殿之南長安志開元改爲集仙殿十三年改爲